

太上垂科演法五祖七真傳薪心懺

玉府闡教妙達真人孟珙敬撰

起讚

瞻仰蓬萊無上仙 超離塵劫萬千年 積功累行求真道
臥雪餐冰悟妙詮 名書玉籍 位列班聯 紫府鶴鸞鸞
於今遍向諸山拜 大啟瑤壇淨法筵 恭迓仙踪齊赴會
綿延道脉永流傳

大聖宗祖真師太天尊二稱

淨心神咒

太上台星 應變無停 驅邪縛魅 保命護身 智慧明淨

道藏輯要

傳薪懺

癸

柳集五
四十一

心神安甯 三魂永久 魄無喪傾

淨口神咒

丹朱口神 吐穢除氛 舌神正倫 通命養神 羅千齒神

却邪衛真 嘴神虎賁 氣神引津 心神丹元 令我通真

思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎

隊仗紛紜 朱雀玄武 侍衛我真

安土地神咒

元始安鎮 普告萬神 罂瀆真官 土地祇靈 左社右稷

不得妄驚 回向正道 內外澄清 各安方位 備守壇庭
太上有命 搜捕邪精 護法神王 保衛誦經 叱依大道
元亨利貞

淨天地神咒

天地自然 穢氣旁散 洞中玄虛 晃朗太元 八方威神
使我自然 靈寶符命 普告九天 乾羅恒那 洞罡太玄
斬妖縛邪 度人萬千 中山神咒 元始玉文 持誦一遍
却病延年 按行五嶽 八海知聞 魔王東首 真聖衛軒
兇穢消散 道德成全

金光神咒

道藏輯要

傳薪鐵
五

卷

柳集五
四又上

天地玄宗 萬炁本根 廣修億劫 證吾神通 三界內外
惟道獨尊 體有金光 覆映吾身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
內有霹靂 雷神隱名 洞鑿交徹 五炁騰騰 金光速現
覆護真人

祝香神咒

道由心治 心假香傳 香爇玉爐 心存帝前 真靈下盼
仙旆臨軒 令某關告 徑達洞天

伏以

海發源於星宿江發源於岷山河發源於崑崙天一之水是爲三支而眾流統貫以之印道前稱祖於北中稱祖於南後繼祖以真道脈之傳亦圖三支而羣仙盡氣緬稽釋氏之祖惟六六者陰也佛法尙柔故從六從陰道家之祖惟五五者陽也丹訣尙剛故從陽從五此固配合之曲說而實鍾毓之天成釋自六祖以還不聞繼起而南嶽青原牟尼却有二派道自五祖而後似若絕響而全真太上南北却有兩宗由是一傳再傳不曰祖而曰真異時同時或紀五而紀七祖生異代真萃同門固浙粵之多偉人亦登華之呈異瑞垂諸仙史奕奕流芳譜入玄門班可考法子等眾上稽周漢下迄宋元展卷繁懷聞風響慕常道藏輯要

傳薪懶

癸

柳集五
川之八

切空山之歎徒深仰止之思以今謹設齋壇虔修醮會恭同法侶敬迓仙車遙溯道派源流先啟諸天列聖

紫府道祖九天玄祖真君

玉清道祖太羅元始天尊

上清道祖玉宸靈寶天尊

太清道祖混元降生天尊

彌羅道祖金闕玉皇上帝

九華道祖后土掌劫大帝

梵炁道祖摩利支天大帝

萬雷道祖勾陳天皇大帝

萬聖道祖北極紫微大帝

日當天子慈暉參會天尊

月華天女妙果壽眉天尊

東華道祖少陽太父天尊

西華道祖太妙金母天尊

天地始炁五方五老大帝

東極道祖青玄九陽上帝

南極道祖神霄長生大帝

西極道祖太華昭化大帝

北極道祖玉虛玄天上帝

道藏輯要

傳薪懺
五

堯

柳集五
一

貞明道祖九天雷祖大帝

雲臺道祖三元三官大帝

丹闕道祖繫桑丹陵大帝

九天開化_一梵_二灌_三元皇大帝

三界伏魔靈佑協天大帝

東嶽天齊大生仁元聖帝

泰玄都省正一垂教尊師

天機都省羅浮立派尊師

天樞都省旌陽起派尊師

上玄都省龍門開派尊師

天醫院宰華陽廣教尊師

句曲上真二茅應化尊師

大羅班首眾真總鑑尊師

終南六洞曲成後學尊師

玉清四相辛陶孫駱尊師

玉樞右宰贊化宏教真君

玉宸少宰隆恩宏濟真君

蓬萊闔苑得道真仙

洞天福地得道真仙

監壇護法諸太靈官

悉仗真香普同供養

至心朝禮

太上無極大道

三十六部尊經

玄中大法宗師

讚

終南薈萃 燕冀名區 周秦唐漢宋元居 鍾毓信非虛
道派堪疏 禮誦勝丹書

大聖北宗統派五祖大天尊

三稱

至心皈命禮

紫府洞天青陽化森掌握諸仙之籍開闢法門之始撰著黃庭
與道德經相爲表裏提衡闡苑佐神寶君密以維持青雲結蓋
紫氣聯城大悲大願大聖大慈青陽啟派紫府東華帝君輔元
立極天尊

至心皈命禮

黃芽得道白雪成真配水火於一炁之中運陰陽於三華之頂
無無虛寂渺渺凝玄胎息方圭孰悟本來之體嬰兒姹女誰知
靈府之臺度眾生於慾海之波錫蕊珠於雲霄之表洪願不窮
好生常念大悲大願大聖大慈正陽繼派終南洞天帝主飛行
道藏輯要

傳新識五

直

柳集五

救劫天尊

至心皈命禮

玉清內相金闕選仙化身爲三教之師掌法判五雷之令黃梁
夢覺忘世上之功名寶劍光騰掃人間之妖怪四生六道有感
必孚三界十方無求不應黃鶴樓中留聖蹟玉虛殿內煉丹砂
存芝像於山崖顯仙踪於雲洞衍法門之香火作玄嗣之梯航
大聖大慈天仁大孝開山啟教立應祖師天雷上相靈寶真人
純陽主派警化孚佑帝君興行妙道天尊

至心皈命禮

燕山名相遼左才人身處富貴之場性好清虛之追雲房點化

以遁機感悟_身而解組三百口之火宅俱拋十萬家之門吳
靈廣修真於武夷山中顯化於王屋嶺上濟度宏深玄功廣博
大慈大願大聖大慈_廣開_源派九天扶正帝君啟南興教天尊
至心皈命禮

龍宗後殿仙籍名譽極財好施任強恣取感孔孟之不惑不動
四十以之自方樂_靈霞之葉室葉家三洞從之是式自提攜得
鍾呂乃妙悟會陰陽甘河鎮內心傳秘語五篇東極雲中瑞現
金蓮七朵觀富貴浮雲以道爲玉寶四世之續音七真之始祖
大悲大願大聖奉慈重陽廣派興立_育德帝君飛雨妙化天尊

伏聞

道藏輯要

傅薪識

直

柳集五

源不深者流不長本不大者枝不茂念自開天而後不乏仙蹟
可傳而或獨善其身莫能濟物自成乎道未有傳徒是雖得隸
仙班難云全真法祖故必抱元守一靜立無上之功沛澤懷仁
動積靡窮之行道得與傳道得徒而後自成一宗羣尊爲祖
其云北五祖者以五祖皆北方之哲人也緬惟

東華帝君_當戰國幼慕玄風始見重於白雲上真繼得訣於
華陽尊者_鑿修於煙霞之洞行功於五臺之陽立救濟廿千功
_無人間_真餘威贊揚玄化立極開宗註闡黃庭道綱不振嗣是
而宏道_真君則有

雲長_當以雄武之簪纓領兵符之重任會天時之起霧乃軍

故以迷奔得遇東華指陳開悟因猛省以求道遂誓願以度人
棄羅練而服槲衣變盛巾而髽雙髻隨處立功立行常懷利物
利人四皓紫霞之舉三華聚頂之會自稱天下都散漢正是玄
申大丈夫以接王祖之傳不愧全真二祖自由漢及唐三祖
季佑帝君生質本古聖之姿度世等觀音之願雖登進士不愛
功名仁孝得自性生圓通成於慧照自遇仙師於旅店一枕夢
覺夫黃梁隱羽食於華峯寄逍遙於世外十試不迷真性九年
而得飛昇慈願宏深玄功廣大雖飛翀於天上猶化現於人間
聖蹟難以縷陳天仙堪稱廣派大矣至矣寧哉遐哉迨至

海蟾帝君以武勳得播顯名乃仕蜀而爲燕相身雖膺寵榮之

道藏輯要

傳薪備

夏

柳集五

位心常慕湛寂之天始因累卵以十錢遂有悟於塵勞之殆繼
因導謎以三事乃得會夫丹訣之精擺脫浮華潛心妙道會通
夫圓明覺路貞修於子午谷中种放希夷訂知交於列聖分形
散影顯靈異於化神功行廣積九天玄宗派衍五代示戴花之
秘諦號青城之丈人以云全真四祖不亦宜乎時至於元
重陽帝君出爲北宗全真五祖矣生稟異質家擁鉅資恒以施
散爲心一每強梁橫取偶感孔孟四十不惑不動因之靜證五
千守默守雌棄家弗顧穴居以修養真崑崙之巔得遇昌虛之
授金蓮應兆瑞呈七朵之葩玉匣天貽道證三天之命門徒濟
濟道範煌煌瞻仰仙宗曷其有極傾倒虔誠望山遍拜

至心朝禮

每聖號各七拜

青陽起派紫府東華帝君輔元立極天尊

正陽繼派終南洞天帝主飛行救劫天尊

純陽主派警化孚佑上帝興行妙道天尊

海陽嗣派九天扶正帝君啟南興教天尊

重陽廣派興玄真德帝君飛雨妙化天尊

讚

欣瞻朔北更溯江南沅有茝兮澧有蘭道範可同參

宋代仙班薈聚後先間

大聖南宗演派五祖大天尊三稱

道藏輯要

傳薪繼
五

禹

柳集五
四四上

至心皈命禮

南邦啟教浙水流輝幼肄業於辟雍無書弗讀晚浪遊於雲水
遇道皆參得諱於海蟾帝主修真於漢陰山中始則樂育情殷
繼則忘言遯世袖出瓊花羨陽神之克折身懷異寶愛舍利之
偏多戒僧爲之減色處厚因之從風悟真篇諸真妙諦羅浮嶺
自在逍遙大悲大願大聖大慈紫陽少府天台起派真君廣慈
立極天尊

至心皈命禮

仙緣宿就道骨天成一生之俠烈諾重千金片刻之感通肱如
三折以脫韁解綱之俠變黃冠羽士之風恩丈收爲高弟心傳

畢浪口中還元繼悟真而作稷下隨纓絡而芳大悲大願大聖
大慈紫虛繼派慕義懷仁真君卓犖豁達天尊

至心皈命禮

三教周知六通克證由儒入釋備諂禪機舍釋從玄力求實地
得遇杏林之文偶吟平叔之詩機緣假於寺中浹洽成夫莫逆
心傳口授別有師承聞一知十遂臻神妙不數空門長老咸推
至道偉人大悲大願大聖大慈紫賢演派珊瑚開悟真君還丹
復命天尊

至心皈命禮

仙風夙抱道氣咸周捻泥療病以隨愈救旱驅龍而立澍黎姥

道藏輯要

傳薪懺

夏

柳集五

山書遺界非同常語大雷琅咒施行克召天丁得長老之化裁
證神通之妙境戴笠浮波立而不濡水銀入口融而成金大悲
大願大聖大慈紫泥昭異隨光普度真君修爲無礙天尊

至心皈命禮

弱冠求真海南訪道淡心於金玉錦繡矢修於餐雪臥冰跣足
蓬頭在在不隨俗貌食霞服氣時時苦積貞修畫梅畫竹以自
娛且飲且吟而弗倦風流自在道法無邊大悲大願大聖大慈
紫清殿派神霄輔元真君五雷演法天尊

伏以

木公金母道首發乎東西玄祖真宗派繼分乎南北粵自夏殷

之世西北肇起人文迨乎鎬洛之朝東南漸徵雅化山川爲之毓秀天地因以鍾靈河洛關遼因多傑士浙湘瓊海輩出奇才所以孔孟特產於魯鄒言陳後先乎吳楚是爲大河以北亦曰吾道而南仰溯儒宗堪衡道脉緬惟

紫陽張祖誕降天台少好黃老之書長篤參修之訪以纓絡街爲始地援馬處厚作護持得遇海蟾帝君授以返還要訣住人間九十九載積舍利千三百珠生不逢時未免災魔之擾心懷度世乃撰悟真之篇性命兼修殊戒僧之出定陽神時現折瓊蕊於廣陵望重黃冠教宏化雨南邦由斯啟派閩廣緣之證真泝流推源允爲南宗一祖緣樂育過殷遂傳人獲譴羈囚旅道藏輯要

傳薪機五

真

柳集五

店之中忽遇脫韁之士有

杏林石真人者始則推爲恩丈繼則納爲高徒玄機畢洩於口陳羅浮誌詳美譜系定風濤於江嶼顯神異於方山枯蕨生枝孰識咒神之妙漏瓶貯酒何來涓滴之虞羨義氣重若邱山乃靈通光於日月南宗二祖舍此奚歸若夫稱三祖者則曰

紫賢真人初寄跡於空門聞桔槔之聲勃勃而禪機悉豁繼思歸於實地覓金丹之奧在在而寤寐弗忘偶誦平叔之詩遂悚悚杏林之聽契合相投於燈下機緣得假於寺中由是袈裟易爲幅巾形迹隱於方外心傳口授一稟真師魚躍鳥飛咸臻道妙虎龍鼎內常流無礙之光鉛汞爐中無限長生之訣高風

共仰仙蹟常留還丹復命之篇開闢法門之旨嗣是而

泥丸真人相繼而稱四祖初得遇於黎姥山書乃會通夫大雷
瓊咒捻泥治病廣立善功師事 紫賢克成大道驅井龍而興
雨救旱墮水底而翌日來遊行踪有似風顛密驗無非神化靈
奇累累聲譽彰彰至是接踵號五祖者則

海瓊白真人也幼而敏慧經史皆通長而好仙老莊尤邃詩詞
俱樂疇知淑性陶情書畫兼優便寓天文地軸跣足蓬頭之狀
罕匹其高餐霞服氣之工獨抽其奧自承泥丸之授精心金液
之修雷印時佩肘間祈禱立昭神異自號神霄散吏仙列紫府
名班是爲風流自在仙堪媲枕漱羲皇侶雖繼起不無後人而
道藏輯要

傳薪懺

戛

柳集五
川三上

稱祖鮮聞嗣響者天地之數皆止於五也

弟子等

仰瞻北派更

湖南宗傾倒虔誠望山叩拜

至心朝禮

每聖號各七拜

紫陽少府天台起派真君廣慈立極天尊
紫虛繼派慕義懷仁真君卓犖豁達天尊
紫賢演派珈璃開悟真君修爲無礙天尊
紫泥昭異隨光普度真君修爲無礙天尊
紫清殿派神霄輔元真君五雷演法天尊

讚

英奇叠出 師事一尊 重陽雨露及時新 大地盡回春

瑞光東嶺 蘭炬徹祥雲

大聖北宗演派七真大師尊 三稱

至心皈命禮

雷海從真龍門啟濂修苦行於三千立玄綱於百世嘉謨入告
靈覺後之金針遺集垂科乃通玄之玉液長陽消陰生水濟火
道高重於金元仙跡留於蜀隴卓哉仙品偉矣宏仁大悲大願
大聖大慈三天翼教承先啟後宗師接引大使虎符領道大夫
雷霆行省通明上相宣德行化真君通權達變和惠大帝全真
演教天尊

至心皈命禮

道藏輯要

傳薪載

頁

柳集五

孝友傳家善長邁種生兆紅霞入夢之祥瑞顯紫氣盤山之異
擲傘騰空莫測來踪去跡度人已斃堪稱起死回生現海市於
主醮之交放暢神於駢馬之獄神通累累道範超超大悲大願
大聖大慈金真廣教長生體道上仙崇修蘊德天尊

至心皈命禮

金臺種異玉葉兆祥幼稱不溺不焚長著克修克證忍辱鍊無
明之火共識慈祥陽神現古廟之中羣欽道力書龜書蛇能使
火不爲殃占斗占星更令水來知備大悲大願大聖大慈全真
嗣教長真凝神上仙玄德崇教天尊

至心皈命禮

伏滅苗裔闡施飛仙領袖諸真爲重陽之高弟精融丹液開後學之津梁梳三髻以示誓不忘師戰千魔以能備臻大道惟一龜舟田煖擁遂三千薄海神周濟度無窮靈奇莫罄大悲大願太聖大慈全真領教丹陽抱一上仙無爲普化天尊

至心皈命禮

靜穆修真澄虛悟道少精周易隱跡卜筮之中長遇重陽猛省回頭之示窮年靜坐以爲功而水火之顛倒早就對人不語以爲養而虎龍之會合已成緣秘語之能參乃累功之克證高風自在遺範無邊大悲大願大聖大慈全真翼教廣甯恬然上仙太古澄悟天尊

道藏輯要

傳薪識五

覓

柳集五
×〇上个

至心皈命禮

天姿純粹道力堅凝奉母而依至教結伴而事重陽識舊泉於荒蕪之間羣活井惠施鐵鞭以當路之石共樂通衢獨立危崖九載躋身樂境三天形影療病謨誥稱嘉大悲大願大聖大慈全真洪教玉陽阜岝上仙輔玄度物天尊

至心皈命禮

青霞繼派雨幘宗工生傳一鶴入抱之祥長適三髻聚頂之配棄家弗顧不作兒女之悲別洞隻修但篤煙雲之好始得重陽之開示繼從丹陽以琢磨先了證夫元丹乃超昇乎羽谷何姥爲之捉鷺麻姑與爲伯仲大悲大願大聖大慈全真體教清靜

卷之三
仙文師領源元君

伏聞

先天後天聖必昭基瑞相无極太極異多兆乎金蓮是故白玉臺中金蓮結於梵^天而七曜昭雲漢之輝紫霞光內金蓮呈於聖華而七真聯璧^天之盛義有合於返丹之旨德更超乎竹林之旨細雜

重陽五祖上承道脈下育仙徒乃

長春邱祖爲諸祖之領袖作王祖之高徒少篤玄修懶從儒業生時夢同日月之運相者謂爲帝王之師初進步於崑崙山繼累功於煙霞洞戰睡魔於五夜脇不近席者七年經丹走於三

道藏精要

傳薪識五

草

柳集五川文川

番心不外馳耆九載重陽預知其興教丹陽早定其開宗承徵召於御幄之霞布講筵於丹楓之下虎符授節門眾如林法演金真龍門啟^採再攷

劉祖長生真人金丹成道紅霞兆誕降之祥紫氣騰大基之彩家敦孝友聞膺旌表之坊性素慈和愈切仙風之慕自領重陽教後精心面壁功深瓦子鍊形積功證道兩主醮壇於登郡再呈海市於竹涯駢馬慚捕獄之狂赤脚釋背違之謹立風不振令譽筆彰更有

長真譚真人亦重陽之高弟也甫闌孩提迥殊常眾墮井而浮水上便禹不溺之神棟折而安火中遂兆不焚之固馬邱相爲

結伴弱冠勵志求仙師事 重陽九載 遂成大道開明後學 千言勿惰真修謝狂徒拳擊之慈出陽神新鄉之廟書龜蛇於吳市而火不延燒識星斗之交橫而水已知備常受大金之顧問屢承徵召之寵榮姑畧神奇咸欽道範若夫

馬祖丹陽尤眾真之巨擘也幼好乘雲駕鶴之詩長厭肥馬輕裘之飾食瓜及蠶遂悟甘向苦生對客敲棋了徹死尋活著化妻共修至道結龕專奉師尊范明叔之怡老亭中馬真人之依仙始地棄半州之富相隨於寂寞山巔付三子以家乞食於巖塵陌上屢被笞毬呵罵奉師不易其心偶經面命耳提棒喝如逢其故由茲得道因是成真凌雪臥冰煖擁舟田一點禱霖咒

道藏輯要

傳新懺

五
星

柳集五

井神周薄海三千活芝陽之松回林檎之槁千秋道範萬古真宗自是而外更有

郝真人恬然孚焉少精周易隱跡於卜筮之中長事重陽回頭於背坐之謎得邱劉之激勵賴譚馬以錯攻緘口於喧鬧寰中打坐於趙州橋畔兒童累磚於頂上不側而亦不搖醉漢脚踢於水中如瘡又如未醒卒之河水泛漲居然隨水增高眾呼爲不語先生適成爲大慈仁者遊行塵世濟度羣倫所撰夢南柯詞迄今膾炙人口也至如

玉陽王真人幼年氣絕而忽仆母問熟睡而無他稟穎悟於童齡叨品評於仙祖道器久根宿世摩頂預囑他年厥初偕母以皈

真嗣後精修而證果。雲光洞內獨立九年，海上危崖遞翹一足。由此鐵脚佈傳於四域，休聲遂滿於九重。未事已先知慧能朗照，妖僧進鴉酒飲鄰安閒。天家徵辟之榮，不可勝數。世上死亡之患，立使回生。名不虛傳，事多實蹟。更如

清靜散人孫祖真始異夢得自懷妊，生時室呈瑞彩配馬真而生三子。慕煙霞而永一心感丹陽，慕道之殷發心隨皈至教見重陽。骷體之偈更覺塵戀可灰，悟鑄石之非疑團盡釋。契長生之訣，古洞成真緣專一而精修。先馬真而冲舉爲仙宗之綱領，步何祖芝之風規。巾幘宗工金蓮異瑞，得侈揚乎仙踪之盛。尙慨同乎周才之難。弟子等謹述無遺，誠通有格。齋沐冠衫。

道藏輯要

傳薪鐵

星

柳集五
川上一

望山再拜

至心朝禮

每聖號各七拜

全真闡教龍門起派上仙玄風廣播天尊

全真廣教長生體道上仙崇修蘊德天尊

全真嗣教長真凝神上仙玄德崇教天尊

全真領教丹陽抱一上仙無爲普化天尊

全真翼教廣甯恬然上仙太古澄悟天尊

全真洪教玉陽卓犖上仙輔玄度物天尊

全真體教清靜慧悟上仙文師領派元君

回向

伏念道門統系宜考稽而得詳仙譜淵源皆指陳而有據尙稽
北有五祖經累代而降生南有五宗合一朝而遞出既遲後
先之異趣亦將相資富之殊途其自祖後而稱真者不惟生於
同世亦且萃於同門是殆天地鍾育之奇更值道運昌隆之會
故一時仙踪濟濟令萬世景仰殷殷下啟薪傳無法不根於是
上承道統無仙不彙於斯載在丹書班班可攷徵之古籍字字
無虛神仙通鑑之編玄範真修之典進而參之更多妙諦捨富
厚棄顯榮拋妻孥離鄉井患難不移其志貧苦不易其操魔怪
不動其心威武不搖其守由皈依而解脫矢利益於慈悲喜捨
集功德之修忍辱樹柔和之相累功圓滿備臻吉祥於以道證
道藏輯要

傳薪繼

聖

柳集五
上二

神通法周無礙造極於無能勝超登一目在身總本彌羅聖主
之光乃見道妙仙宗之異居今憶古畧得其繇遠覽遐矚竊聞
其旨毋庸更爲搜討卽此已備源流茲當法席周隆理合焚香
送駕心懷感戴目注雲霄爲上良因再申稱念

南北統宗厥派五祖大天尊

三稱

南北宗闡教五祖天尊

三稱

北眞演教七大師尊

三稱

收讚

遍考名仙譜 玄修功最深 人能體至道 何患不飛昇

一唱饒三歎 幾人丹九成 惟見諸尊者 逍遙步玉京

殷勤駐鶴駕 頂禮竭微忱 何時隨洞口 看出海山雲

太聖真祖回光大天尊

三稱

太上垂科演法五祖七真傳薪心懺

全

廣化弟子惠覺校訂

道藏輯要

傳薪懺

禹

柳集五
上二十三